

Scileanna Réamhriachtanacha sa Chumarsáid trasna an Churaclaim

Léirítear dul chun cinn fosta nuair a thagann laghdú ar an méid tacaíochta ó dhaoine fásta: le treoir, le laghdú ar an treoir, gan treoir.

Riachtanais le hAghaidh Léitheoireachta

Ba chóir go gcuirfí ar chumas daltaí:

- réimse de théacsanna a léamh ar mhaithe le faisnéis, smaointe agus sult;

- réimse de straitéisí a úsáid le léamh le neamhspleáchas atá ag méadú;

- faisnéis a aimsiú, a roghnú agus a úsáid ó réimse foinsí;

- smaointe, imeachtaí agus gnéithe i dtéacsanna a thuiscint agus a fhiosrú;

- fianaise ó théacsanna a úsáid le barúlacha a mhíniú.

S1 Taithí

(dul i dtaithí ar/i dteagmháil le)

I ngníomhaíochtaí céadfacha agus i bhfoghlaim ghníomhaíochtbhunaithe/shúgradhbhunaithe, is é a dhéanfaidh na daltaí:

- taithí a fháil ar réimse de théacsanna/íomhánna ar mhaithe le faisnéis, smaointe agus sult;

Mar shampla:

- taithí ar scéal CD agus an téacs mar thacaíocht acu;
- taithí ar scéal a roinnfear trí phictiúr ar chlár bán idirghníomhach (nó ar an aonad taispeána TFC is déanaí);
- taithí ar phictiúr nó ar shraith pictiúr/grianghraf mór a chuirfidh an múinteoir i láthair nó a chuirfear ar taispeáint;

- taithí a fháil ar scéal céadfach trí réada tagartha;

Mar shampla:

- taithí ar scéal céadfach – a bhainfidh le cuid de na céadfaí – agus an léitheoir ag úsáid réada agus spreagthaigh chéadfacha le haird an lucht féachana a tharraingt;

- taithí a fháil ar fhaisnéis ó réimse foinsí;

Mar shampla:

- taithí ar fhaisnéis labhartha;
- taithí ar thimpeallacht shaibhir ó thaobh na litearthachta de, ina bhfuil grianghraif, pictiúir, réada agus siombailí, taispeántais bhalla, amchlár pictiúrtha, cófraí lipéadaithe, srl;
- taithí ar chóta a chrochadh den phionna cheart atá lipéadaithe le grianghraf an pháiste;
- taithí ar threalamh a chur ar ais in áiteanna atá lipéadaithe le grianghraf, pictiúr nó siombail;

- taithí a fháil ar theanga a bhaineann le téacsanna/íomhánna;

Mar shampla:

- taithí ar réimse téacsanna agus íomhánna;

- taithí a fháil ar réimse réad, spreagthaigh chéadfacha agus pictiúr;

Mar shampla:

- taithí ar réad, éistfidh siad le fuaimeanna, mothóidh siad ábhair/uigeachtaí, bolóidh siad bolaithe éagsúla, díreoidh siad a súile ar spreagthaigh amhairc.

S2 Freagairt

(tabhairt faoi deara, freagairt, idirghníomhú anois agus arís)

I ngníomhaíochtaí céadfacha agus i bhfoghlaim ghníomhaíochtbhunaithe/súgradhbhunaithe, is é a dhéanfaidh daltaí:

- freagairt anois is arís do réimse téacsanna/íomhánna ar mhaithe le faisnéis, smaointe agus sult;

Mar shampla:

- éistfidh siad anois is arís le scéal CD agus an téacs mar thacaíocht acu;
- éistfidh siad anois is arís le scéal ar chlár bán idirghníomhach (nó ar an aonad taispeána TFC is déanaí);
- déanfaidh siad fuaimeanna agus/nó déanfaidh siad gluaiseachtaí le cuidiú duine eile le freagairt anois is arís do théacs roinnte;
- amharcaidh siad anois is arís ar phictiúr nó ar shraith pictiúr/grianghraf mór/téacs neamhfhicsin a chuirfidh an múinteoir i láthair nó a bheidh ar taispeáint ar chlár bán idirghníomhach (nó ar an aonad taispeána TFC is déanaí);
- amharcaidh siad anois is arís ar leabhar/iris/catalog a roinnfidh duine fásta leo;

- tosú a fhreagairt do ghrianghraif nó do pictiúir mar léiriúcháin ar réada;

Mar shampla:

- éistfidh siad le scéal déanfaidh siad idirghníomhú anois is arís leis [fuaimeanna a dhéanamh/réada a láimhseáil, mar shampla] agus an léitheoir ag úsáid réad agus spreagthaigh chéadfacha le haird an lucht féachana a tharraingt;

- freagairt d'fhaisnéis ó réimse foinsí;

Mar shampla:

- tabharfaidh siad faoi deara a n-ainm/grianghraf féin ar earraí pearsanta;
- déanfaidh siad idirghníomhú anois is arís le cóta a chrochadh ar an phionna cheart atá lipéadaithe le grianghraf, dath, pictiúr agus/nó ainm;
- leanfaidh siad anois is arís córas oibre/tasc-chlár/amchlár pictiúrtha lena dtrealamh/earraí féin a aimsiú;
- freagróidh siad d'orduithe/treoracha simplí, labhartha agus léiriúchán amhairc ag dul leo; mar shampla 'suigh síos', 'tar anseo', 'lámha anuas';
- léireoidh siad suim anois is arís i ngrianghraif, DVD nó teilifís le gothaí gnúise, comharthaíocht choirp nó guthaíocht;

- freagairt anois is arís do ghnéithe de réimse téacsanna/íomhánna;

Mar shampla:

- amharcaidh siad anois is arís ar ghrianghraif díobh féin/den rang/de na gníomhaíochtaí is fearr leo;
- cuideoidh siad le duine eile leathanaigh leabhair a thiontú;
- cuideoidh siad le duine eile lasc a úsáid le pictiúir/íomhánna a athrú/leathanaigh a thiontú ar ríomhaire nó ar chlár bán idirghníomhach;

- freagairt do réimse réad, spreagthaigh chéadfacha agus pictiúr as míreanna/eispéiris is mó agus is lú a bhfuil dúil acu iontu a chur in iúl anois is arís;

Mar shampla:

- roghnóidh siad réada is fearr leo féin ó rogha réada;
- roghnóidh siad DVD is fearr leo féin ó rogha DVDanna;
- amharcaidh siad anois is arís ar phictiúir/íomhánna is fearr leo féin;
- taispeánfaidh siad freagairt do mhíreanna/gníomhaíochtaí is fearr leo féin agus nach maith leo féin.

Scileanna Réamhriachtanacha sa Chumarsáid trasna an Churaclaim

Léirítear dul chun cinn fosta nuair a thagann laghdú ar an méid tacaíochta ó dhaoine fásta: le treoir, le laghdú ar an treoir, gan treoir.

Riachtanais le hAghaidh Léitheoireachta

Ba chóir go gcuirfí ar chumas daltaí:

- réimse de théacsanna a léamh ar mhaithe le faisnéis, smaointe agus sult;

- réimse de straitéisí a úsáid le léamh le neamhspleáchas atá ag méadú;

- faisnéis a aimsiú, a roghnú agus a úsáid ó réimse foinsí;

- smaointe, imeachtaí agus gnéithe i dtéacsanna a thuiscint agus a fhiosrú;

- fianaise ó théacsanna a úsáid le barúlacha a mhíniú.

S3 Dul i mBun

(dul i mbun, aithris a dhéanamh ar iompraíocht mhúnlaithe, aird a dhíriú, súile a dhíriú ar rudaí, aithint)

I ngníomhaíochtaí struchtúrtha, i gcomhthéacsanna coitianta inrochtana agus i bhfoghlaim ghníomhaíochtbhunaithe/súgradhbhunaithe, is é a dhéanfaidh daltaí:

- dul i mbun réimse téacsanna/íomhánna d’aon turas ar feadh tréimhsí níos faide ar mhaithe le faisnéis, smaointe agus sult;

Mar shampla:

- bainfidh siad sult as scéal a bhfuil siad cleachta lena chluinstin;
- rachaidh siad i dteagmháil go toilteanach le duine fásta/piara le leabhar a roinnt;
- amharcfaidh siad ar phictiúir a ndírítear méar orthu; mar shampla ‘amharc ar an eilifint’ (seans go gcuirfear comhartha leis na focail);
- díreoidh siad súil/méar ar phictiúir nuair a ainmneoidh duine fásta iad;
- díreoidh siad méar, déanfaidh siad comhartha nó déarfaidh siad ainm le pictiúir a aimsiú agus scéal á léamh;

- dul i mbun grianghraf nó pictiúr mar léiriúcháin ar réada;

Mar shampla:

- díreoidh siad aird ar an mhúinteoir agus amchlár pictiúrtha á chur suas aige/aici;
- amharcfaidh siad ar phictiúir nó láimhseoidh siad iad le rogha a dhéanamh;
- rachaidh siad i mbun an tseichimh a bhaineann le pictiúrscéal simplí;

- dul i mbun faisnéis ó réimse foinsí;

Mar shampla:

- crochfaidh siad cóta agus mála scoile ar an chromóg cheart atá lipéadaithe le grianghraf agus le hainm;
- cuirfidh siad gníomh i gcrích i gcónaí nuair a thabharfar ordú amhairc agus labhartha dóibh, amhail ‘suigh síos’, ‘seas suas’, ‘réitigh an áit’;
- úsáidfidh siad gothaí – amhail méar a dhíriú nó bosa a bhualadh nó iarracht ar fhocal a rá – le haithint nó suim a léiriú i ngrianghraif, DVD, teilifís srl.;

- dul i mbun gnéithe de réimse téacsanna/íomhánna ar feadh tréimhsí níos faide;

Mar shampla:

- amharcfaidh siad ar ghrianghraif/pictiúir agus léireoidh siad tuiscint go bhfuil an taobh ceart ar barr;
- tiontóidh siad leathanaigh ar bhealach ciallmhar;
- brúfaidh siad cnaipí fuaimne nó tógfaidh siad flapaí srl;
- láimhseoidh siad leabhair agus tabharfaidh siad gnéithe faoi deara; mar shampla leathanaigh, oscailte agus druidte [leathanaigh a thiontú agus leabhar (nach bhfuil a taobh ceart ar barr, b’fhéidir) a oscailt/a dhruim];
- rachaidh siad i mbun sceideal laethúil nó amchlár pictiúrtha a úsáid;

- dul i mbun réimse téacsanna agus íomhánna le roghanna a dhéanamh;

Mar shampla:

- díreoidh siad méar/malartóidh siad pictiúir/déanfaidh siad comharthaí le gníomhaíocht a roghnú;
- roghnóidh siad an ceann is fearr leo ó rogha de théacsanna a bhfuil siad cleachta leo.

S4 Páirtíocht Ghníomhach

(idirghníomhú, roinnt, páirtíocht, comhoibriú, déanamh amach roimh ré, cuimhneamh)

I ngníomhaíochtaí struchtúrtha, i gcomhthéacsanna coitianta inrochtana agus i bhfoghlaim ghníomhaíochtbhunaithe/súgradhbhunaithe, is é a dhéanfaidh daltaí:

- páirt ghníomhach a ghlacadh i ngníomhaíocht ina bhfuil réimse téacsanna/íomhánna ar mhaithe le faisnéis, smaointe agus sult;

Mar shampla:

- roghnóidh siad leabhar;
- coinneoidh siad leabhar ina lámh an taobh ceart ar barr agus tiontóidh siad na leathanaigh in ord, ag amharc ar na leathanaigh le ciall a bhaint as an scéal nó as an fhaisnéis;
- léireoidh siad tuiscint ar scéal nó ar fhaisnéis a léifear dóibh; mar shampla pictiúir a chur in ord, ceisteanna a fhreagairt;
- tiontóidh siad leathanaigh leabhair mar is cuí;
- glacfaidh siad páirt i nascleanúint ar scéal idirghníomhach ar líne;
- glacfaidh siad páirt i ngníomhaíochtaí simplí meaitseála pictiúr; mar shampla snap, cláir mheaitseála pictiúr;

- íomhánna/focail a bhfuil siad cleachta leo a dhéanamh amach roimh ré agus a thuiscint go gcuireann siad ciall in iúl;

Mar shampla:

- aithneoidh siad an difear idir cló agus pictiúir;
- meaitseálfaidh siad pictiúir/grianghraif i bhfoirmeacha agus i gcomhthéacsanna éagsúla;
- tuigfidh siad go bhfuil ciall le pictiúir le habairt shimplí a dhéanamh;
- roinnfidh siad leabhar léitheoireachta pearsanta le duine fásta agus ‘léifidh’ siad a n-ainm [seans nach dtig leo a n-ainm a léamh i gcomhthéacsanna eile];
- roinnfidh siad leabhar a bhfuil siad an-chleachta leis go ‘léann’ cúpla focal ó chuimhne – mar shampla ‘*fee fi fo fum*’ a rá – ach ní dhéanfaidh siad an téacs a dhíchódú;
- úsáidfidh siad amchlár pictiúrtha laethúil/seachtainiúil agus léireoidh siad tuiscint orthu;

- tosú ar fhaisnéis a aimsiú agus a roghnú ó réimse d’fhoinsí;

Mar shampla:

- tabharfaidh siad cló faoi deara sa timpeallacht;
- roinnfidh siad leabhar go fonnmhar le duine fásta;
- léireoidh siad gur fearr leo leabhair ar leith;
- bainfidh siad ciall éigin as téacs, siombailí nó pictiúir a chuirtear ina láthair ar bhealach a bhfuil siad cleachta leis;
- aithneoidh siad mothúcháin ar aghaidheanna i ngrianghraif;

- tosú ar smaointe, imeachtaí agus gnéithe i dtéacsanna agus in íomhánna a thuiscint;

Mar shampla:

- déanfaidh siad an chéad rud eile a tharlóidh i scéalta a bhfuil siad cleachta leo a dhéanamh amach roimh ré;
- díreoidh siad méar ar íomhánna/pictiúir faoi leith nuair a iarrfar orthu, agus beidh siad in ann iad a aimsiú fosta;
- tosóidh siad ar charachtair i leabhar a aithint;
- léireoidh siad sceitimíní agus/nó tnúthán nuair a chuirfidh múinteoir scéal i láthair;
- tiontaíonn siad leabhar sa dóigh go mbeidh an taobh ceart ar barr;

- páirt a ghlacadh i gcinnteoireacht shimplí le tuairimí a nochtadh i leith réimse téacsanna agus íomhánna;

Mar shampla:

- díreoidh siad méar ar na pictiúir chearta nuair a fhiafrófar dóibh faoi charachtair nó faoi phictiúir i scéal;
- cuirfidh siad in iúl na carachtair is fearr leo i scéal ó bhéal nó le comharthaí;
- roghnóidh siad leabhar/iris.

Scileanna Réamhriachtanacha sa Chumarsáid trasna an Churaclaim

Léirítear dul chun cinn fosta nuair a thagann laghdú ar an méid tacaíochta ó dhaoine fásta: le treoir, le laghdú ar an treoir, gan treoir.

Riachtanais le hAghaidh Léitheoireachta

Ba chóir go gcuirfí ar chumas daltaí:

- réimse de théacsanna a léamh ar mhaithe le faisnéis, smaointe agus sult;

- réimse de straitéisí a úsáid le léamh le neamhspleáchas atá ag méadú;

- faisnéis a aimsiú, a roghnú agus a úsáid ó réimse foinsí;

- smaointe, imeachtaí agus gnéithe i dtéacsanna a thuiscint agus a fhiosrú;

- fianaise ó théacsanna a úsáid le barúlacha a mhíniú.

S5 Daingniú (tosú ar thuiscint a fhorbairt)

I ngníomhaíochtaí struchtúrtha, i gcásanna agus i gcomhthéacsanna coitianta, is é a dhéanfaidh daltaí:

- tuiscint a léiriú gur féidir ciall a bhaint as pictiúir, íomhánna agus téacsanna;

Mar shampla:

- ligfidh siad orthu go bhfuil siad ag léamh leabhair; is féidir go ndíreoidh siad méar ar phictiúir agus ar théacsanna;
- glacfaidh siad páirt in iompraíocht léitheoireachta amhail scéal a léamh le lucht éisteachta (bréagáin nó piaraí);
- glacfaidh siad páirt i ngníomhaíochtaí simplí meaitseála focal;
- léireoidh siad tuiscint gur féidir ciall a bhaint as pictiúir, íomhánna agus téacsanna agus scéal ar líne á nascleanúint acu;

- tosú ar thuiscint a fhorbairt ar réimse de straitéisí léitheoireachta;

Mar shampla:

- léireoidh siad tuiscint éigin ar fhuaimneanna litreach;
- úsáidfidh siad leideanna pictiúir le hábhar an leabhair a thomhas;
- díreoidh siad méar ar théacs agus iad ag 'léamh';
- aithneoidh siad go mbaineann an focal clóite le pictiúir ar an leathanach;
- aithneoidh siad litreacha ina gcéadainm féin;
- díreoidh siad méar ar ainmneacha/focail a thosaíonn leis an litir chéanna a dtosaíonn a n-ainm féin léi;
- críochnóidh siad líne i scéal athráiteach a bhfuil siad cleachta leis;

- faisnéis ó réimse d'fhoinsí a aimsiú, a roghnú agus tosú ar í a úsáid;

Mar shampla:

- de réir threoir an mhúinteora, aimseoidh siad leabhar atá ar taispeáint go soiléir i mbailiúchán leabhar a bhfuil siad cleachta leis;
- aithneoidh siad stór focal sóisialta amhairc i dtimpeallacht a bhfuil siad cleachta léi, amhail 'an leithreas' agus 'an oifig', agus tosóidh siad ar é a úsáid;
- úsáidfidh siad córas oibre/tasc-chlár/amchlár pictiúrtha;
- aimseoidh siad limistéir shonracha sa tseomra ranga;
- léireoidh siad tuiscint éigin ar chló sa timpeallacht;

- smaointe, imeachtaí agus gnéithe a thuiscint agus a fhiosrú i dtéacsanna, cló, pictiúir agus íomhánna éagsúla;

Mar shampla:

- amharcaidh siad ar leabhar agus éistfidh siad leis an stór focal leabhair a bhaineann leis, amhail clúdach tosaigh, an chéad leathanach, tiontaigh an leathanach, an deireadh;
- úsáidfidh siad TFC/téacsanna le hamharc ar alt/scéal nuachta reatha, agus le héisteacht leis, agus an múinteoir ag díriú airde ar théama lárnach agus/nó príomhimeachtaí; mar shampla irisí/Seomra Nuachta C2k/nuachtáin;

- tosú ar cheisteanna faoi théacsanna a bhfuil agus nach bhfuil siad cleachta leo a fhreagairt le tuairimí a chur in iúl;

Mar shampla:

- freagróidh siad ceisteanna faoi leabhar a léadh;
- déanfaidh siad tuar ar ábhar an scéil ón chlúdach tosaigh;
- tosóidh siad ar thuairimí bunúsacha ar théacsanna a chur in iúl; mar shampla 'cad chuige a raibh dúil agat sa leabhar?', 'Cén chuid de is mó a thaitin leat?'

Leibhéal 1

Agus iad ag tabhairt faoi théacsanna trí léitheoireacht mhúnlaithe, léitheoireacht i gcomhpháirt agus léitheoireacht faoi threoir, tig le daltaí:

- tuiscint ar an bhrí a bhaineann le cló, pictiúir agus íomhánna a léiriú;

Mar shampla:

- tuiscint gur féidir ciall a bhaint as pictiúir, íomhánna agus téacsanna. Tuigeann said teachtaireachtaí a chuirtear in iúl le focail, le frásaí agus le habairtí simplí;

- fuaimeanna agus siollaí a aithint i bhfocail;
- a thuiscint go léirítear fuaimeanna le litreacha;
- straitéisí léitheoireachta a úsáid;

Mar shampla:

- siollaí a shainaithint i bhfocail agus tig leo iad a dheighilt agus a chumasc. Tig leo, mar shampla, na siollaí i bhfocail a bhualadh amach;
- an gaol idir litreacha agus na fuaimeanna a léiríonn said a thuiscint;
- réamheolas agus pictiúir a úsáid le ciall a bhaint as téacs, comhthéacs agus comhréir a úsáid le tuartha a dhéanamh faoi fhocail, agus an chomhfhreagairt idir fuaimeanna agus siombailí a úsáid;

- focail, comharthaí agus siombailí coitianta áirithe a aithint sa timpeallacht;
- leideanna amhairc a úsáid le faisnéis a aimsiú;

Mar shampla:

- lipéid nó pictiúir a úsáid le háiseanna nó faisnéis a aimsiú;

- teanga atá ar eolas a bhaineann le téacsanna* a úsáid;

Mar shampla:

- labhairt ar théacsanna agus focail amhail 'teideal', 'clúdach', 'leathanaigh', agus 'údar/scribhneoir' in úsáid acu;

- ceisteanna a fhreagairt agus labhairt ar a bhfuil léite acu;

Mar shampla:

- labhairt leis an mhúinteoir faoina bhfuil léite acu agus a dtuiscint a léiriú trí ghníomhaíochtaí amhail plé simplí nó rólghlacadh, agus iad ag fáil cuidiú le struchtúr abairtí agus stór focal nuair is gá.